



*Rabu, 07 Oktober 2020*

**Ogen: Jeremia 34:8-22**



**Ulih La Ncikep Padan**



**M**egati si begi maka padan jadi iketen perjanjian ibas hubungan manusia. Ntah e antara dilaki ras diberu i bas perjabun. Pertemanen si iarapken tetap meriah. Tapi si megati jadi persoalen labo kerina kalak ngasup nggelem dengen nepati padan si ibelaskenna e. Apaika si eteh lit sura-surana, enda megati ilakoken calon-calon si merincuh ipilih ntah e kepala daerah, presiden, anggota legislative i bas kerina tingkatan. Banci saja ntah kai deba isehkenna janjina, kuga pagi arah pudi nehisa e labo iukurkenna.

Erkiteken sie la si tik pengarang lagu njadikan isi lagu kerna ingkar janji. Si megati jadi lagu patah hati. Bageme megati padan si ibelasken labo jadi keriahen ntah pe arapen tapi jadi sada hal sinakiti manusia. Termasuk i bas perjabun, la sitik pasangan si enggo erjabu dungna lanai ngergai padan perjabun erkiteken mbelin tantangan guna nehi perpadanen si enggo ibelaskenna. I bas renungenta enda ituriken kerna pemimpin-pemimpin ras tokoh agama si erbahan perpadanen guna mbebaskan budak-budakna. I bas tradisi kalak Jahudi lit paksana maka budak-budak arus ibebaskan, enda jadi sada peringeten kerna perbahanen Dibata si mbelin si enggo mulahi ia kerina i bas perbudaken Mesir. Tapi kepeken perpadanen si ibahan raja ras kalak Jerusalem e la isehina. Tempa i je enggo jadi pertakin ras ndarami keuntungenna jine. I pulahina budakna gelah banci berkat erperang mpertahanken Israel i bas serangan Babil nari tapi kenca Babil mundur, selaku tuan la ka atena rugi sabap budak ndai lanai sikerajangenna. Dikune kerina si ilakoken manusia ipalasi untung ras rugi pasti kerina padan si ibelasken ras ibahan labo nteguh. Ulihna reh ukumen Dibata maka iendeskenna ia man musuh janah maitna pe ipangani rubia-rubia ras perik-perik. Lanai lit kehamaten ialokenna sitik pe.